

आपो देवीः शुद्धाः स्थ । इमा पात्राणि शुन्धत । उपा-
तङ्घ्राय देवानाम् । पर्श्वल्कमुत शुन्धत । पयो गृहेषु
पयो अघ्नियासु । पयो वत्सेषु पय इन्द्राय हविषे धि-
यस्व । गायत्री पर्श्वल्केन । पयः सोमं करोत्विमम् ॥

॥ २ ॥

अग्निं गृह्णामि सुरथं यो मयो भूः । य उद्यन्तमारो-
हति सूर्यमहम् । आदित्यं ज्योतिषां ज्योतिरुत्तमम् ।
श्वो यज्ञाय रमतां देवताभ्यः । वसून् रुद्रानादित्यान् ।
इन्द्रेण सह देवताः । ताः पूर्वः परिगृह्णामि । स्व आ-
यतने मनीषया । इमामूर्जं पञ्चदशो ये प्रविष्टाः ।
तान् देवान् परिगृह्णामि पूर्वः ॥ ३ ॥

अग्निर्हव्यवाडिह तानावहतु । पौर्णमासः हवि-
रिदमेषां मयि । आमावास्यः हविरिदमेषां मयि ।
अन्तराग्नी पशवः । देवसः सदमागमन् । तान् पूर्वः
परिगृह्णामि । स्व आयतने मनीषया । इह पूजा विश्व-
रूपा रमन्ताम् । अग्निं गृहपतिमभिसंवसानाः । ताः
पूर्वः परिगृह्णामि ॥ ४ ॥

स्व आयतने मनीषया । इह पशवो विश्वरूपा र-
मन्ताम् । अग्निं गृहपतिमभिसंवसानाः । तान् पूर्वः